

mitior tertianæ, sed ardentior quotidianæ, qui non æquabiliter in toto corpore effunditur, sed alicubi cum frigore permixtus sentitur. Præterea sitis, vigiliæ, capitis dolor superueniunt sæuiora quām in quotidiana, sed mitiora quām in tertiana. Quartanæ accessio cuius vis tertianæ longior est, sed quotidianæ breuior. Pulsus initio accessionis languidus est, hoc est minimus ac rarus, qui postea validus fit ac magnus atque frequens celérque & perinde inæqualis atq; in ceteris alijs putridis: Vrina primis ferè diebus tenuis apparet & aquosa: posteaverò & substantia & colore, & contētis mutatur. Quartanæ autē nothæ signa ferè eadem sunt, quæ veræ & exquisitæ: ex constantiū distat quod quæ notha est, sæpius tertianis febribus succedit: æstate hominē corrigit: tertio, aut septimo mēse (ad summum) soluitur, nisi errore quodam diutius prorogatur: Exquisita etiam yltra annum protrahi non solet, nisi multos errores æger committat. Tertium spuriæ quartanæ genus quo, mulieres & pueri & adolescentes interdum corripiuntur à crassa pituita & lenta originem habet. Quotidiana intermittens rarissima est, humidisque naturis, quæ vel natura, vel ætate, vel crapula, vel otio, vel longiore somno, vel denique cibis frigidioribus humidioribꝫque tales factæ sunt, contingere solet, quia multa abundant